



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm III. Sanctorum.

[urn:nbn:de:hbz:466:1-62587](#)

tus; qui impedimentum tollere potest. argumen-
to l. Sed et si. 26. §. Ait Praetor. ff. Ex qui-
bus causis maiores. & alioquin excommunicatus
ex propria iniustitia commodum ferret,
quandoquidem id ordinarii Iuris est, vt
qui intra tempus definitum agere intermit-
tit, postea excludatur, seu contra eum excipi
ac præscribi possit.

CAPITVLVM II. Nihil.

PARAPHRASIS.

S. Gregorius I. Papa ad Italiam Patriciam l. 2. Epistola 58. Regist. scribit, tametsi ipse jura quædam Ecclesiastica, concordia causâ, & ne tumultus, vel scandalum oriatur in judicio, repetere intermisserit, imò etiam non se repetiturum promisebit, tamen pertalem taciturnitatem, aut patientiam nolle se successoribus suis Pontificibus in rebus pauperum præjudicium aliquod generari.

SUMMARIUM.

1. *Praelatus propter vitandum scandalum remittere potest aliquid de juribus Ecclesiæ, ita tamen ut nullum præiudicium, aut præscriptio in futurum oriatur.*
2. *Taciturnitas & patientia Praelati non repetentis bona Ecclesiæ, non præindicat successoribus, quo minus ipsi repetere possint.*

Propter eam tamen, & Praelati negligentiam, concurrente bona fide, viâ præscriptionis jura Ecclesiæ amitti possunt.

NOT. Vnic. Praelatus propter vitandum scandalum quandoque aliquid de Juribus Ecclesiasticis, aut causarum piarum remittere potest, ita tamen ut in futurum nullum præiudicium, aut præscriptio oriatur, quamobrem protestari interdum debet, quod eiusmodi remissionem liberè faciat, non ex obligatione.

Possumus etiam aliter colligere extext. c. quod taciturnitas & patientia Praelati non repetentis bona Ecclesiastica, vel ad causas

pias destinata, non præjudicet successoribus quo minus ipsi repetere possint, nam sicuti Praelatus talia bona expresè dare non potest, ita nec tacitè per renunciationem præsumptam ex taciturnitate.

Interim non negamus, quin jura Ecclesiæ viâ præscriptionis amitti possint propter negligientiam & taciturnitatem Praelati; sed hoc fit concurrente bona fide, quæ oritur ex ignorantia, cum videlicet existimat is, qui præscribit, jus v. g. decimarum non ad Ecclesiam illam, sed ad se pertinere, vti docui. l. 3. tr. 4. de just. c. 10. n. 6. infine.

CAPITVLVM III.

Sanctorum.

PARAPHRASIS.

Si Ecclesia possessionem aliquam 30. annis pacifice & bona fide, quamvis siue titulo posedit, postea ei auferri non debet, si tamen denunciat aut proclamatio synodalis antecessit, ea præscriptionem interrumpit.

NOT. Vnic. Jure antiquo Præscriptio in rebus immobilibus sine titulo, 30. annorum spatio contra Ecclesiam etiam perficiebatur, nunc vero 40. anni requiruntur, ut mox patebit.

CAPITVLVM III.

De Quarta.

PARAPHRASIS.

Clericus contra Episcopum quartam decimorum & oblationum funeralium intra annos 40. præscribere potest, nisi interea Ecclesia Cathedralis caruerit pastore, qui jura Ecclesiæ exigere debuisset. Porro 30. annorum præscriptio, quæ olim in rebus immobilibus, ac juribus, tanquam ordinaria longissimi temporis statuta erat. l. 3. C. de præscription. 30. vel 40. annorum à Romana Ecclesia non recipitur, si aduersus jura Ecclesiarum tendat.

h h h 3

SUM-